



Diario



pa Aruba



ANJA 22

DIARAZON 24 AGOSTO 1960

Nr. 3819

Soldanan di ex-federacion Mali a rebeldia



E mayornan cu tabata presente den e sala di Centro Cultural na ocasion di e anochi di despedida di e estudiantenan cu ta sali pa Hulanda, tabatin un anochi interesante. Riba e portret e audiencia den harimentu durante un discursu di senor. C. Vransquin.

ELISABETHSTAD, 23 aug.

Noticianan cu no a warda confirma y cu a worde ricibi na Elisabethstad, ta bisa cu e soldanan di Mali, cu a rebela cerca Alberstad, na e provincia Katanga, a uni cu miembranan di tribu Baluba, cu ta cantra gobiernu di prome ministra Chombe di Katanga y cu nan ta bai Alberstad awor. E europeanonan na e ciudad ey a pidi asistencia.

Munongo, ministro di asuntunan interno di Katanga, a bai Alberstad via avion awe tardi; e soldanan di Nacionnan Uni di Federacion Mali cu a worde kibra, a cuminsa un rebelion aha. Hunto cu Munongo a bai cabezante di su gabinete y algun solda.

Gobierno di Katanga a reuni pa varios hora awe y a establece contact cu directiva di e chereito di Nacionnan Uni na Elisabethstad cu a nenga di expresa su mes te ainda tocante e rebeldia y e bringamentu, cu a costa bida di 2 hende.

E habitantenan Europeo di e lugar a hui bai na un campo militar na Alberstad.

Un bataljon di soldanan di Mali, consistiendo di 600 solda, ta staciona cerca

Alberstad. E soldanan aki lo worde reemplaza pa soldanan di Irlanda.

Protesta severo

Gobierno di Katanga a manda poliznan inmediatamente na Alberstad, na unda tabatin incidente awor y awe. A sinta un comunicado di gobierno di Katanga ta informa.

E soldanan di ex-federacion Mali no ta tende di nan oficialnan; nan a cuminsa arresta habitantenan y ta bai cu nan den nan camionnan. 2 persona a muri. A worde informa cu varios hende a worde herida. E ministro di asuntunan interno di Katanga a bai Alberstad.


E comunicado ta bisa cu Katanga a protesta severamente cerca e delegacion di Nacionnan Uni na Elisabethstad, y a pidi pa reemplaza e soldanan di Mali cu soldanan disciplina di e chereito di Nacionnan Uni. Nacionnan Uni a worde bisa cu e soldanan cu ta na Katanga actualmente, no a worde jama door di gobierno di Katanga y cu nan mester respecta e tranquilidad, cu tabata existi prome cu nan a jega, asina e comunicado ta bisa.

Nota ruso rechaza

Ta ser informa cu embahada Belga na Moscu a nenga di acepta un nota di ministerio Ruso di asuntunan exterior awe. E nota tabata un copia di e declaracion, cu gobierno Ruso a haci Dia Domingo respecta e situacion na Congo.

"WINDOWS IN HOLLAND" AWE NOCHI

POS CHIQUITO. — Awe nochi 7or Radio Victoria lo ta transmitiendo atrobe e programa "Windows in Holland" den combinacion cu Radio Nederland Wereldomroep.



AWENOCHI PA 8.00 'OR

ZENITH vs. SCHLITZ GIANTS

(A-klasse)

Entrada Fl. 1. — y Fl. 0.50 Damas gratis.

Delegacion di Antillas a yega Roma ajera nochi laal

ROMA, 23 aug. — Ajera nochi masha laat, banda di medianochi, e delegacion di Antillas Hulandes a jega Roma, na unda e temperatura ta casi tropical awe. E delegacion ta consisti di: Rudy Monk, Eduardo "Beto" Adriano, Ramiro Ferrin y Hector Curriel, y nan coach Marcel Bertran. Kende mes tabata tuma parti na torneoan te poco tempo pasa.

Awe tardi e Antillananan tabata

train duro den vecindario di e pueblo Olimpico.

Bandera di Antillas lo worde halza na e pueblo Olimpico riba Dia Razon.

Eisenhower a manda nombramento pa Nacionnan Uni

WASHINGTON, 23 aug. — Presidente Eisenhower a manda nombramento di James Wadsworth como cabezante permanente di delegacion Mericano cerca Nacionnan Uni pa reemplaza Cabot Lodge, Senador, pa e worde aproba.

"Nochi di despedida" pa Estudiantenan Arubano den Cultureel Centrum

Palabranan stimulan y di corahe a worde expresa
ORANJESTAD — E "nochi di despedida" pa e estudiantenan cu pronto lo laga e isla pa sigi nan estudio den e-
stranheria tabata un satisfaccian pa hendenan di gobiernu, majornan y e estudiantenan mes. Ban atencion a ser duna na e invitacion di gobiernu, y e sala di Centra Cultural tabata ban acupa.

Senor N. Piña-Lampe, jefe di Servicio Informativo tabata encarga cu e apertura y for di principio eaba el a capta atencion di e audiencia hieu y joven.

"No ta solamente pa baile, fiesta etc. e poblacion tin interes, sino tambe pa charlanan educativo y ta pesey nos ta contento awe nochi cu un asistencia asina grandi", senor Piña a bisa prome di a introduci e prome orador, gezaghebber R.J.C. Beajon.

Beajon:

"Mi ta contenta"

Pa senor Beajon tabata un placer inmenso di tambe ta presente e anochi aki. E no kier a bai mucho den detalles "ya cu tin otroan cu pa loke ta toca Enseñanza, por mihor cumi". orador a muestra riba e hecho cu ta prome biah cu un anochi di despedida ta worde teni pa e estudiantenan cu ta bai studia afo y cu majan ta e homber y muherman cu ta bin ocupa e puesto cu conductor den nos comunidad. "Ta pesey nos mester duna nan e estimulo necesario awe nochi, pa nan por haci un bon figura na Hulanda". Un bon aplauso di e presentenan e.o. miembranan di clero, H.R. Semmelink y P.F.W. Prior a gradici palabranan di nos gezaghebber.

Petrona:

"Un hecho alegre"....

"Ta pa nos un hecho alegre di sigi pa prome biah den e ultimo decena un cierto caminda cu ta trece nos den contacto cu majornan cu tin jiu ta studiando na Hulanda eaba, cu tin jiu ta bai studia na Hulanda y cu e jovennan mes". tabata mes o menos palabranan cu diputado di Enseñanza y Cultura, sr. E.O. Petrona, a habri su discurso corio. Orador a revela cu ta intencion di gobiernu na haci Oficina di Onderwijszaken di sr. A. Petrona un punto central pa comunicacion di estudiantenan na Hulanda y nan majornan na Aruba. "Mihor contacto indudablemente lo juda hopi den estudio di e muchanan".

Senor Petrona a muestra tambe riba e punto cu anochi di contacto no solamente ta trece beneficio na estudiantenan y nan majornan, pero tambe pa e comunidad. Dicutado Petrona a despedi di e jovennan cu palabranan: "Te despues, te otro siman na Hulanda".

Artauto a resona tambe na senor Petrona, "e homber riba kende bo

ta pensa ora cu bo menciona e palabranan Educacion y Enseñanza", menter senor Piña a bisa.

Inspector Sprockel:

"Un pueblo autónoma mester di su mes dirigentenan"

Inspector di Enseñanza senor Tiro Sprockel cu a muestra riba loke ta ser spera di esnan cu lo bai studia, e dificultadnan cu nan tin di venee y muestra nan mes digno di e confianza poni den nan.

"Ta tur anja ne tempo nan aki ta sali aeroplano cu hobenan di Antillas cu ta bai studia sea cu heurs di gobiernu, riba nan mes cuenta o cu so-



Sr. T. Sprockel, Inspector di Enseñanza durante su discurso.

lamente e biah paga", asina senor Sprockel a principia su charla, y kende papando riba e beursnan a bisa e.o.: "Gobierno no ta pone beurs disponibel pasobra e tin tanto placa y no (Sigi lesa riba pag. 4)

UN SWAVEL A LAGA KAMBER NA SHINISHI

SIMEON ANTONIO. — Habitantenan di parcela Alablacaststraat 15 na Simeon Antonio a hanja un susto grandi ora cu dialuna atardi 2.30 p.m. nan a mira un di e kambernan den nan cas manera un deposito pa warda carbon. Esaki tabata resultado di un candela cu a principia ora cu jiu homber di sr. S.I.F. habitante di dicho parcela, tabata hunga cu swavel y pa un desuido pone algun di e panjangan mesora den vlam.

E kamber a keda tur na carbon: kashi, radio di mesa, eama, panja, te hasta un fenela a kima. E mucha mes cu tabata den e kamber a logra ba-



Asina e kamber den parcela Alablacaststraat 15 a keda, mesa, radio, kashi, tur a kima prome cu brandspuit a domina e candela.


sha na eareda, grita e majornan y kendenan a avisa polisnan.

Spuil 8 di Oranjestad cu tabata ey mesora a paga e candela, pero no prome di a haci basta danjo di awa na resto di e parcela.

E famia tin asegurado contra candela.

CABEZANTE NOBO PA SCOOLOAN

ORANJESTAD. — Pa cabezante di Julianaschool a ser nombra senor Ch. Weststrate, mientras cu senor J. Koppelman a ser nombra como cabezante pa Benildeschool na San Nicolas. Senor Koppelman ta bira sucesor di frere Patrieus, kende antes tabata cabezante di e school anba menciona.



SERVICIO NOBO!!

Trece bo receta di Bril

Awe mainta..

y e ta cla

Awe tardi..



Merca a acusa Cuba pa medio di un memorandum

SAN JOSE, Costa Rica, 23 aug. — Gobierno mericano a acusa Cuba, cu el a formula un programa pa educacion di agentenan comunista y brigadornan guerrillero comunista, pa extende e revolucion comunista over di enter Suramerica.

E acusacion ta inclui den un memorandum dirigi na e conferencia di Organizacion di Estadonan Mericano

na San Jose.

Merca a bisa cu gobierno di Fidel Castro a destrui e "ultimo restonan di libertad personal" (esta libertad di religion) na Cuba.

E memorandum ta completa e documento mericano, den cual Cuba ta worde jama responsable pa e aumento di tension na e hemisferio occidental. E declaracion di Cuba, cu e decision di Washington, pa reduci su compran di sucu, ta agresion economico, a worde rechaza. E ministro cubano di comercio a declara poco tempu pasa cu lo ta mehor pa Cuba, si Merca

mester stop di cumpra sucu cubano completamente.

Probablemente Fidel Castro lo bai San Jose

Ta posible cu Prome ministro Fidel Castro di Cuba lo bai San Jose, Costa Rica, durante e septima sesion di congreso di ministronan di Organizacion di Estadonan Mericano. E rumor aki a origina, como resultado di hecho, cu e delegacion cubano ey ta atende e sesion, no kier desmenti e noticia aki.



Mucha cu botter di ram

HOOIBERG. — Dialuna mainta pa diez'or y mei donjo di Hooiberg a bira su cura net na ora y mira con un e mucha homber, di 11 anja a pasa man pa un botter di Baardi. El a tene e mucha te ora polisnan a bin buskele.

FATUM — Tel.: 1845 Pa tur bo aseguranan

Heru den cabez

CURACABAAL. — Dialuna nochi 7or y mei naa a pidi asistencia na Curacabaal pa e eecocida dama di pol'snan C.Q. kende durante pelea cu un otro dama un tal M. a hanja un pida heru riba su cabez. Polisnan a hanja C.Q. cu herida na cabez y su panjangan kibra.

BURSALMAN DI LAND A SALI PA HULANDA

ORANJESTAD. — Awe mainta a sali cu avion di K.L.M. pa Hulanda e bursalan di Land. Promer ey esaki a sali caba uno di nan, mientras cu tres otro ta na Hulanda for di anja pasa. En total e gobierno Antillano a duna e anja aki 12 landbeurs na jovenan Arubano.

Beursnan duna ta: Un onderwijzer, un Bouwkundig Ingenieur, dos Lerars Huishoudschool, un Electro-techniek (H.T.S.), un Vroedvrouw y Verpleegster tres Onderwijzers, un Wis-en Natuurkunde, un Werktuigbouwkunde (H.T.S.), un Diëtiste, y un Chemisch Ingenieur cu a hanja biah solamente, paga.

GANAP-L-A-C-A




BEBE PEPSI

"Look under the Crown"



BAAS TOMMY

y su amigonan di Arubaanse Courant



Tesoronan di Egypte cu ta corre peliger di bai perdi

Dia 10 di januari dje anja aki president Nasser a baha un palanca y mesora tabatin un explosion di diez ton di dinamiet. Cu esaki tambe nan a cuminsa cu construcion di e dam Assouan cu lo rijis parti riba di Nijl. E dam aki lo bira esun di mas grandi na mundu, di 3.500 meter largu, 111 meter haltu y cu un tanki artificial cu lo cubri un superficie di 10.000 kilometer cuadra!

E dam di Assouan aki lo mehora e destino di mijones di e fellahs, locual indudablemente ta necesario. Pero ora cu e tanki artificial ta cla tambe y cu e desierto lo bira fertil, na e mes tempo cantidad di tesoronan bieue di Egypte lo a desparece bou di nivel di awa.

Egypte ta un regalo di Nijl

Nijl cu tin un largura di 6.700 km. y cu por wordo compara cu un taki delega, soepel cu ta termina den un delta herdo, ta en realidad un regalo di diosnan, ta difícil pa pensa riba un Egypte sin Nijl. Sin e rio aki, e pais lo tabata un desierto.

Manera Herodotes a bisa: "Egypte ta un regalo di Nijl". Geograficamente y historicamente mira esaki ta cierto. Mijones di anja pasa e tribuna cu tabata habita e lugarnan den Sahara pa motibu di e segura tabata obli'ga di bandona nan pais, cu a keda inhabita y completamente pa su cuenta. Nan a forma nan bida den e vallei di Nijl, aki tabata awa, y e bida tabata soportable. Nan a cuminsa plantar, y eña bestia.

Nijl ta corre di lago di Victoria pa e Mediterraneo, y tin diferente stroomversnelling entre Khartoum y Assouan.

Bou di Assouan ta cuminsa e Egyptian Nijl, e oasis di mas grandi na mundu. Gracias na e sistema di irrigacion primitivo pero ingenioso, e hendera den vallei di Nijl y Nijldelta no ta tantu di sufri di e calor tremendo den tempo di verano.

Siglo y siglo Nijl tabata e via ideal di trafico pa Egypte, y ta le awe ainda. Di Egypte barenan tabata sali pa Siria y Griekenland cu cargamentonan valioso abordo, entre otro papyrus. Na d'ferente lugarnan castu di Nijl hende ta hanta e habitantenan di Egypte ta mara e stengelnan di papyrus den beadel. Di e merg di e mata di papyrus nan ta fabrica e principio di papel cu nos ta usa.

"Yuda Nijl pa Nijl yuda bo!"

"Yuda Nijl y Nijl ta yuda bo, e habitantenan di Egypte ta bisa. Nos no sa si nan ta haci esei, pero en

todo caso nan ta bai haci uso di Nijl awor pa yuda henter e pais.

Na principio dje siglo aki eba nan a construi un dam na un distancia di 300 km di e frontera Sudanes. E tamagjo dje dam aki no ta tantu grandi y e awa cu por wordo capta den e dam aki, no ta suficiente pa cubri e necesidad. Asina nan a yega na e plan pa traha e di dos dam, cu ta bira enorme grandi. Trabou dje dam aki ta pa traha e awa di Nijl y forma un tanki (un lago) di e tamaño cu mas a menciona ariba. E dam aki lo causa un inundacion di un area cu lo extende doscient kilometer denier di e region Sudanes y como 150 kilometer den Egypte. E awa dje dam aki pa irrigacion di tercerano nobo y tambe lo perea pa electricidad, locual pa Egypte ta di suma importancia. Asina cu e dam aki ta cla anto, e potencial economico di Egypte lo subi mes ora y mijones fellahs lo por gana un mihor pan.

Tesoronan bou di awa

Lastima cu na e lugar na unda e tanki grandi aki ta bin resulta, cu na net e lugar na unda tin innumerable monumentonan di valor historico cu lo bai perdi. Tambe un gran cantidad di sitio di enorme importancia arqueologica. Nan ta bisa cu eci henter un pagina di historia di humanidad, di cual lectura no a termina ainda, lo desparece pa semper.

Segun e trabou ta avanza eba, ya tin awa ta yega den ruinan di Karnac y ta come e piramida na e base. E tempel Isis cu a worde traha 240 anja prome cu Christo, ya ta mihor

perdi eba bou di awa di e prome dam di Assouan. Durante dos luna di awa e tempel akita sezu, y hende por bishita e ruina a'ada.

Despues cu e di dos dam ta cla, ta blo hende cu sa sambuja ben lo por bishita den e tempel di Aboe Simbel.

Na Aboe Simbel, un pueblo di Nubia na e ribera na man robey di Nijl, Ramses II, e ultimo di e farao grandinan a laga coba un cuba grandi pa traha un tempel cual el a dedica na e dios di solo, Harmakhis. E tempel aki tin un altura di 33 meter, ta solamente 8 meter hanchu, pero tin un profundidad di 63 meter.

Na e entrada tin cuatro imagen grandi di Ramses, cada uno ta 20 meter haltu. Bunita obra di escultura y bunita adorno ta decora e tempel su interior. Ramses a bha 99 anja, el a goberna 67 anja y tabatin... no spanta... 150 jiu. E tabata e constructor di mas grandi di Egypte bieue. El a construi cantidad di tempel y a laga traha e cantidad di estatua y hopi di mas ta existi ainda, pero lo worde tapa bou di e nivel di awa di e dam nobo, cu nan ta trahando.

Unesco kier yuda

Un ta nada extraño cu e amantenan di arte ta protesta fuerle contra e situacion aki y dr. Vittorio Veronesi, director General di Unesco durante maarti dje anja aki, a haci un jama'mento na mudu pa salba e maumentonan aki di Nubia. Tanto den e parti di Egypte como den e region Sudanesa.

En consecuencia, nan ta prepara pa

un parti, pa tuma medidanan pa salba e monumentonan.

Lo costa un capital enorme pa salba tur e tesoronan. Specialisacion ta haci

Herstel Van Levenskracht, Klieren Verjongd In 24 Uur

Ver is niet langer nodig te lijden aan het verlies van kracht en mannelijkheid, zwak gevoel en lichaams, zenuwachtigheid, onzuiver bloed, ziekte van de huid, zedelijkheid en slechte slaap, omdat een Amerikaanse dokter een snelle en gemakkelijke weg heeft uitgevonden, om een eind aan deze kwalen te maken.

Deze ontdekking, in samenwerking, gemakkelijk in te nemen tabletten, is beslist onschadelijk, maakt klier-operaties overbodig en geeft duizenden nieuwe kracht en jeugd. Het werkt direct op de klieren en zenuwen en brengt nieuw, rijp bloed en kracht in uw aderen. Binnen 24 uur ziet en gevoelt ge u zelf jonger worden. Uw oogenschitteren, ge gevoelt zich levenslustig en vol jeugdige kracht en energie.

En deze verbazingwekkende, nieuwe klieren krachthersteller, Vi-Tabs genoemd, wordt gegarandeerd. Zij is door duizenden in Amerika beproefd en wordt thans door apothekers verkocht met de garantie van volledige voltooiing, of uw geld terug. Vi-Tabs moet u zich vol kracht en energie en van 10 tot 20 jaar jonger doen gevoelen, of u zent eenvoudig het ledige pakje terug en krijgt uw geld terug. Een speciale, dubbel-sterke flesch met 48 tabletten kost slechts \$1.00.

Vi-Tabs is de garantie van de gezondheid en levenskracht.

Herstelt Mannelijkheid en Levenskracht

tur loke nan por pa salba leke por salba. Pa seapa e tempel di Aboe Simbel por chempel, nan lo por traha un muraya diki rond dje tempel, cu lo costa 1.500 mijon te 3.000 mijon dollar. Gobierno di Unica Arabe a declara cu esan cu salba e tesoronan aki, lo por ricibi cantidad di otro obranan di arte di otro tempelman como recompensa. Pero tecnicamente mira, lo ta posibel pa salba tur e tesoronan y e monumentonan den e regionnan di Assouan?

Wel si mester escohe entre pam y bida di mijes di hende o tesoronan y imaginann grandi y bunita cu ta testigo di grandesa di antes, segun opinion di majoria ta keda solamente un decision: perea pa e hendenan na prome lugar!

Segun ultimo noticianan Unesco a morda tecnico na e region aki pa salba leke nan por. Na tur nan tapensa di kita tesoronan di un total di 12 tempel por d' garranan di awa.

Petrona & Croes

Dakota - Tel. 1712-1639

PA TUR SORTO DI MATERIAL PA VERF

Nijl semper tabata e mihor via di trafico pa Egypte. Cu botanan di bela, carganan valioso ta worde transporta pa Siria y Griekenland.

E portret den center ta duna un bista di forti Buhen, un obra maestra di arquitectura militar di Egypte. E forti ta construi como 3.900 anja pasa y tabata pa defende e area strategico di e di dos stroomversnelling cu ta dividi Nijl ariba y Nijl abao.

E ultimo portret ta un tempel dedica na Knoum y Sostris III, construi 1500-1400 prome cu Cr. Farao nan a laga construi dos forti masiso na cada banda di Nijl. Tur dos e fortinan aki tin importante tempelman yen di tesoro den nan.

Revitalize Your KIDNEYS

Feel Younger-Look Younger

Nothing ages man or woman more than aches and pains caused by bad kidney action. This makes you suffer from Strong Cloudy Urine, Getting Up Nights, Burning, Itching Passages, Dizziness, Rheumatism, Backache, Leg Pains, Circles Under Eyes, Swollen Ankles, Loss of Energy, etc. Cystex helps you clean and purify your blood of acids and poisons now creeping into joints and muscles. In 24 hours Cystex kills kidney germs, strengthens kidneys and expels acids and poisons. Get Cystex from any chemist or guarantee to put you right or money back. Act now! In 24 hours you will feel better and be completely well in a week.

For Kidneys, Rheumatism, Bladder

Patruja TIGER



— XIII —

Aparentemente Fiona a spera di encontra e padvindernan den dificultad grandi y ta keda boca habri ora tur e seis Tigernan a saludele cu un, sonrisa manera luna riba nan cara.

Net Fiona ta cuminsa ta protesta pakiko nan a jamele net awor cu e ta bai come. Cocky ta splikele e situacion. Awor su cara ta cambia un poco y algun momento despues e ta comanda „pues abordo!“

E plan tabata cu mei anochi nan lo trata pa sali sin cu ningun hende mira nan y bolbe back pa e isla. Fiona ta bisa tambe cu awor mas cu nunca e ta convenci cu su tio ta meti te na su garganta den e plan sushi di e bandidonan, sea cua sea ta e plan!

„Di con asina?“ Cocky ta puntra.

„Pasobra profesor Shaw y e homber cu boso ta jama Smuigie a bishita mi tio awe tardi.“

Fiona a laga Tarzan ta rema y ta sinta meimei di Cocky y Dope riba e banki patras.

„Mi tabata huntu cu mi tio ora cu mi a tende e profesor ta bisa claramente: „Un bunita naso Smuigie, awor nos tin e isla pa nos so.“

Y e otro tercio ta bisa „Si Campbell haci su trabao bon anto denter di dos dia nos ta donjo di e isla!“

„E bunita paso“. Dope ta bisa pensativo, „tabata e candela cu nan a cende den nos campamento naturalmente. Bo sa kiko nos mester haci Coc-

ky?“ e ta continua. „nos mester manda un telegram pa sr. MacAlpine, informele pa e no bende e isla bou di ningun condicion prome cu e tende di nos!“

„Esei nos ta haci inmediatamente“, Cocky ta contesta. Pero Fiona ta sagudi cabez. „E postkantoor di mas acerda ta na Mallai, loke bo por haci ta telefonaa naturalmente di Sandai, esaki ta como cinco kilometer di Inehbay.“

Cu e fuerte Tarzan na rema, e boto tabata corta awa bai dilanti den direccion di Inehbay.

„Corda bon, Tigernan“, Cocky ta bisa su companjeronan un biaha mas, „nos ta veneci... nan a huma nos saca nos for dje isla, nan a kita tur loke nos tin, y nunca mas nos lo bolbe pa Allivay! Haci manera boso ta masha tristu ora cu boso yega serca mister Campbell“. Y e ta bisa Fiona: „Ta duel mi cu nos ta obliga di ganja bo tio, Fiona.“

„E no ta mi tio, b'a tende, ademas e ta den eualquier negoci shi sushi pa ganja sr. MacAlpine ami lo yuda boso te na ultimo ora!“

„Pesei mi ta keda masha

gradeido na bo, Fiona“, Angus ta contesta.

„Nada di danki, Angus MacAlpine“, Fiona ta contesta stijf.

Ora cu e boto ta mara na Inehbay House, nan ta hanja Campbell ta spera nan.

„Boso a bolbe toch, he?“ e ta puntra corto.

„Mi ta sigur cu boso ta completamente disgusta di Allivay.“

„Allivay ta bunita, senyor Campbell, pero nos tabatin mala suerte; nos tentnan a kima te na suela den un candela chikitu.“

„Cielos santos!“ Campbell ta esclama, „ta con asina?“

„Podiser pa un spat di candela di nos kampvuur“, e lider di e Tigernan ta contesta tristemente.

Pero nos a bin serca bo pa pidi bo permit pa hanja un lugar pa drumi awe noch, sr. Campbell. Nos tin suficiente cuminda ainda y nos aparatonan di cushina tambe nos a seapa, asina ta cu nos por drumi den eualquier lugar den bo hoffi.“

„Nada“, Campbell ta contesta cu un sonrisa suave, „boso por usa mi schuur, ademas

tin yerba fresco riba e vloer y boso tin un bon dak riba boso cabez... kiko mas boso ta desea?“

„Cincu minuut despues e muchanan ta sigui Campbell. Ora cu nan ta cerca dje eas, e tio ta bisa Fiona cu e por bai paden numa. „Corda bon, no mete den asunto di e muchanan aki, b'a tende no!“

Fiona ta bira corra di furia, pero e ta obedeece. Campbell ta muestra e muchanan na unda e schuur ta e ta habri e porta grandi y uno pa uno e muchanan ta dreña paden na unda tabatin un eubierta diki di yerba riba e vloer.

„mi ta contentu cu porfin boso a disidi di bandona e isla“, Campbell ta bisa. „Tabata leu di agradabel pensando boso so ta sina leu for di tur contacto cu otro hende. E lugar aki ta secu y bon, eh, anto mi ta desea boso un bon anochi.“

cu esaki e ta sali bai pafor. E portanan masivo ta dal cera cu un sla duro y algun seconde despues e Tigernan ta tende con e grendelman fuerte ta cai cera na nan lugan.

Den e medio scuridat e padvindernan ta keda weita otro.

Cocky ta bula riba e porta y ta cuminsa ranea y purba, pero que va... .

„Y awor? Dope ta puntra laconico.“

„Adios nos strategia“. Cocky ta bisa, kende ta trata pa tene su stem tan alegre cu e por.

„Preso! Nos a cai den trampali!“

Cocky ta convenci awor cu Campbell tin sospecho riba nan. „Humm e ta un bandide bajo, e Campbell ei“. Angus ta bisa. „Y mi ta spera cu e no ta sospecha cu Fiona lo trata di yuda nos awe noch!“

„Papiando di sospecho.“ Dope ta contesta, pa mi ta tur cla cu por tin, cu nan ta cur nos a mira nan subi den e barancanan y nan a duna Campbell ordu pa perea pa nos no stroba nan un biaha mas... .

y mas bunita mi tin un sintimentu cu e porta di camber di Fiona tambe lo drumi cera parti pafor awe noch!“

E Tigernan ta sinta pensa kiko ta nan siguiente paso. E schuur awor a bira secura, Cocky ta spaar su baterianan di flashlight. Mientras tanto nan a busca tur manera pa sali dje schuur pero sin exito

„Y e porta ei, ni diez Tarzan no por kibele. Ademas tin dos grendel grandi di heru, cual nos no por alcanza door di spleet dje portanan tampoco, pa motibu cu nan ta monta riba un plachi di heru. Un euchi no ta yuda nos, den e caso aki, e porta ta di cik y ta mas di cinco centimeter diki.“

Cocky ta grunja algo y ta puntra di ripente. „B'a hanja e pida waya Solly?“

„Si“, y den un ratu dos luz swak ta lombra na un pida waya cu bateria, cual Solly a klaba den muraya dje schuur cu punta di su euchi. E muchanan ta come. „Ta bon cu nos a jena nos botternan di awa na Allivay.“ Tarzan ta observa.

„Tarzan ta pensa semper“, su ruman ta bisa, „pesei e ta papia asina poco.“

Tarzan cu tabata medio drumi den yerba ta grunja algo y ta keda waak den scuridat dje dak. Chuculati friu, sin lechi, pero cu hopi sucu, un man yen di buscuchi a trece animo den e muchanan trobe.

Y awor Cocky ta cuminsa splika nan kiko ta e chens cu nan tin pa sali di e prison aki. (E ta sigui)

NOTICIA INTERESANTE
Si bo kler pone bo mueble hieuw completamente nobo, bai cerca A.C. Heyer na Mozartstraat 2 of jama na tel. 2557 y bo por ta sigur cu bo mueble hieuw ta bira completamente nobo. E firma aki tin capuladad pa hasi tur loque bo ta desea. Muebles di canber, conedor y sala di e material mas bon cu e thi y esey ta garantia di bo placa. Inverti bo placa den un cos bon. Nos por drenta den arreglo di pago.

GUARANTEED FLUFFY!
Uncle Ben's RICE

"MOSAICOS GENNY"
Mihor Calidad
Tarabana — Aruba

A.V.B. contra C.V.B. e weekend aki

(Di nos redactor deportivo)

Durante e weekend di 27 y 28 di augustus la bai hunga na Carsow, e seleccion di futbol di nos isla. Dos biaha e seleccionnan la topa otra, den weganan pa preparacion pa e proximo encuentronan contra Surinam.

E huagadernan Arubiano selecciona pa bai representa nos isla ta: Hubert Richardson (Dakota), Gode Loefstok (Aruba Jrs.), Edgar Vos (Aruba Jrs.), Chito Croes (R.C.A.), Joy La Rosa (San Nic. Jrs.), Hubert Tromp (Estudiantes), Nathaniel Andrews (Riverplate), Juan Pablo (Dakota), Cornelis Wiersma (Dakota), Edwin Dicks (R.C.A.), Toribio Brezco (San Nic. Jrs.), Antero Gil (Jong Aruba), Yonko Alberts (R.C.A.), Essie Croes (Estrella), Juchit Jansen (R.C.A.), Luisito Vangel (Aruba Jrs.) y Cai Helder (R.C.A.).

Wega R.C.A. - Dakota cancela

Debi na e encuentronan na Carsow di e seleccion ariba menciona, e partido di e campeonato di hoofdklasse entre R.C.A. y Dakota cu segun el schedule lo mester worde hunga diasabra awor, a ser cancela.

Esaki ta cumpliendo cu e regla cu ora cu un club tin mas di un hungador cu mester ta ausente pa bai hunga pa seleccion, e partido di e club ey mester worde cancela.

Decision di Banco Internacional na Venezuela

CARACAS, 23 aug. — E Banco Internacional di Re-construccion a dicidi di duna Venezuela un prome fianza di 30 million dollar pa financiazion di un programa pa traha eja, di ministerio d Obranan Publico. E prestamo aki ta prome parti di un proyecto extensivo di financiazion na Venezuela.

E informacion aki a worde duna awe pa e ministro Venezolano di Financien, dr. Jose Antonio Mayobre, kende a duna un explicacion general dje proyecto di financiazion. E ministro a mustra, cu e prome voorschot aki di 30 million dollar ta e prome prestamo, cu e banco mundial ta duna Venezuela.

Werner von Braun ta dispuesto na bai luna den raket

BERLIN OCCIDENTAL, 23 aug. — "Mi ta completamente dispuesto na bai Luna abordo di un dje prome satelitanan", asina e especialista cono-

di Raket, Werner von Braun, a declara den un combersacion cu prensa. E discusion a worde publica awe mañan den e corant "B", di Berlin Occidental.

Von Braun a bisa tambe, cu Mera posiblemente lo lanza e "Saturnus", e prome raket cu un hende adect, na fin di 1963. E raket lo circula luna y trata di ateriza aia. Mientras cu e Sputnik ruso a worde destrui completamente ora cu el a baha riba Luna, e "Saturnus" lo worde di remi na un tal manera, cu su cabina cu instrumentacion científico lo no hanja danjo, asina Von Braun a bisa. El a bisa cu e sexto trapi dje raket mester haci posible pa e bin tera bek.

"Newsweek" a skirbi over dje satelite Chines

NEW YORK, 23 aug. — E revista Mericano "Newsweek" a informa, cu e comunistanan Chines a trata di lanza un satelite dia prome di augustus, pa celebra di 33 aña di existencia dje ehebrico comunista Chines.

Discusion di De Gaulle i Mamadou Dia

PARIS, 23 aug. — E cabezante di gobierno di Senegal, Mamadou Dia, tabatin un discusion cu president De Gaulle di Francia, despues di cual el a bisa periodista cu e la splica e president Frances position di Senegal: separacion for dje Federacion Mali, independencia y firmacion mas pronto posible di acuerdonan pa colabora cu Francia.

CUMPLIANJOS

Senior Venancio Croes ta recorda su fecha natal y ta ricibi felicitacion di su estimada esposa Bertha Croes, especialmente di su juman Carlos. Jorge, mama Selerina, rumannan, suegro Joaquin, suegra Bernardina, swagran, iha Antonio Maduro, Thomas Leon, tur su amigonan di Vitesse.

Benay Breta ta cumpli anja y ta ricibi felicitacion di su mama, tata, especialmente di su estimada amiga.

E hobencito Bernardo Peasech ta cumpli anja y ta ricibi felicitacion di su tata Jac Peasech, mama Tina, rumannan Boechi, Chichi, Rufina, Pablo, Ibi, Ika, especialmente di su omio, tantanan y dje team di voetbal A.S.U. East Star, Jrs.

Ta cumpli anja Agnes Lampe y ta ricibi hopi felicitacion di su tata, mama, rumannan, dos juman Clenda y Haima, sobrina Mildred y Luis Tromp, tambe di Senny Tromp, prima y primonnan.

Informacion dje revista "Accion Cubana"

MADRID, 23 aug. — E revista dje refugiadonan politico Cubano na Espanja "Accion Cubana", a informa den su ultimo edicion, cu "Peron y Castro a haci na afsprak pa luche hunto contra e imperialismo Yanqui".

E revista semanal ta bisa cu Jose Pardo Llada, un periodista y locutor Cubano, y Mario Kuchilán dje corant "Prensa Libre" di Havana, tabatin un discusion algun tempo pasa cu Juan Domingo Peron, na Peron su cas cerca Madrid.

Parce cu Pardo a bisa un amigo cu a bishele cu en berdad no ta trata di un acuerdo. Nan ta jamele un afsprak amistoso entre e Cubanonan y Peron. E forzanan di Peronismo lo juda e forzanan Cubano den e accion contra e imperialismo Yanqui na Mera. Part dje afsprak cu e lider Argentino ta trata di bringamentu den eja, propaganda, insigacion den circulo sindical, na e lugarnan di trabao y den e comunitan, asina "Accion Cubana" a informa.

Agenda

ARUBAANSE COURANT
diarlamante cu excepcion di diadomingo

Edita pa:
N.V. ARUBAANSE DRUKKERIJ - B.V. UITGEVEREN - EN PUBLICITEITS BIA.
Nassaustraat 85 - O'stad, Aruba N.A.
Suscipien / 3-— paga adelanta
Edicion suelta 20 ct.

Telefon: 1116 Directiva y anuncio
2116 Redaccion y suscripcion
Directeur-hoofredacteur: G. J. Staartjes
Imprent na N.V. Drukkerij "De Stad"

WIT-GELE KRUIS
Zr. Lwida - Zr. Perpetua tel. 3908

BOTICAN DI WARDA
San Nicolas: BOTICA SAN LUCAS tel. 5119
Oranjestad: BOTICA ALUBA 1080

CINE

DE VEER 8.30 "The Guns of Fort Petticoat" a.i.
RIALTO 8.00 "The Flame and the Arrow" a.i.
matinee 1.30 "De Lager School" a.i.
PRINCIPAL 3.00 "El Superhico" 14 J.
matinee 1.30 "Treasure of Ruby Hills" a.i.
ARUBA 7.30 Show Rahoudini — "Seve angry men" a.i.
SAVANETA 7.30 Rahoudini Show — "The Fighting Cowboy" a.i.

POSTSLUITINGEN Woensdag

Barranquilla 15.30, Bogota 8.30, Curacao 8.30 & 16.00, EUROPA 8.30 & 15.30, Miami 8.30 & 15.30, New York 8.30, Panama 15.30, Caracas 15.30.

RADIO KELKBOOM

Diaron 24 di augustus
11.30 Opening
11.31 Musica varia
11.45 Musica varia
12.00 Lunchmuziek
12.10 Noticia local na Pap.
12.25 Noticia internacional y lokal
12.45 Norte Americana
12.55 News in dutshell
1.00 Musica varia
1.00 Rancheras
1.40 Noticias na Pap. (Lokaal-polla y dep.)
1.45 Cuckold musical
1.50 Danzones Cubanos
1.55 Musica varia
1.55 Calypso
6.00 Programma di Nutricia
6.15 Cumples anjos feus
6.30 The Quiet Hour
6.45 Saludos for di Iulanda
7.00 Noticias na Pap.
7.15 Musica varia
7.20 Musica di Havana
7.45 Nieuwsbericht
8.00 Norte Americana
8.15 Lagrimas de una madre
8.30 Programa di techi evaporado Pet.
9.30 Musica varia
9.00 Peliculas
9.30 Luis Quintro y su conjunto
10.00 Sluiting.

RADIO VICTORIA

Diaron 24 di augustus
11.00 Apertura
11.15 E Mundo Femenino
11.30 Melodias de Merdia
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Ensenos Musicales
3.15 Cafe con Musica
3.30 Ecos del Cielo
4.00 Musica di Havana
4.15 Ecoman Celestial
4.20 E hora Adventurosa
4.45 Waltzman Favorito
5.00 La hora Nazarena
5.15 Palabranan di Bida
5.30 Interudio Musical
6.00 Ultimas Noticias
6.15 Bo pregunta Contesta
6.30 Noticias Hulandes
6.40 Musica Clasica
7.15 The Bandstand
7.30 Cavalcade of America
8.00 World News
8.10 Off the Record
8.30 Back to the Bible
9.00 Musical Gems
9.20 Light and Life Hour
10.00 World News
10.15 Hymns that Live
10.30 Sign Off

RADIO CARACAS TELEVISION

Miercoles 24 de agosto
9.50 Marcha oficial, Himno Nacional, Presentacion
11.15 Cortos Cinematograficos
9.55 Informacion sobre los Progr. del dia
10.00 El tio Vaqueiro
10.30 Cosas de Mujeres
11.00 La Nacion
11.30 La Perfecta Mujer
12.00 El gran show de las doce
1.15 La via Dolorosa
1.30 El Imparcial Television
2.00 Punto y Aparte
2.15 Cortos Cinematograficos
2.30 Club Femenino
3.00 Por el Ojo de la Cerradura
4.00 Estudio de Hector Monteverde
4.30 Club de los Nietos
5.30 Cortos Cinematograficos
5.45 Timonario
6.00 Cita con Saume
6.30 Cine variedades "Yukery"
7.00 Julian Pacheco
7.07 Que le Parece Compadre
7.15 Alma Rebelde
7.30 Papa to sabe Todo
8.00 El Observador Creole
8.15 La Rival
8.30 Estampas Criollas
9.00 La Malvada
9.15 Amador Bendayan en T.V.
9.30 Camioneros
10.00 La Hora del Sindicato
11.00 Cine-programa
12.30 Informacion sobre los Programas de Mañana
12.30 Marcha Oficial, Himno Nacional, Despedida

"PAGINAS"
obtenible na UNION STORE
Mainstreet — San Nicolas

Firma Jan C. Lacle

ta presenta cu orgullo, e famoso y legitimo

WHISKY ESCOCES

"Angus Mc Kay"

Un producto di calidad di expertonan Escoces

"ANGUS Mc KAY", whisky Escoces di mehor calidad.

Gibson no ta awe sino otro luna

(Di nos redactor deportivo)

ORANJESTAD. — Den nos edicion di diahuna nos a menciona cu directiva di Aruba Lawn Tennis Bond a contrata e famoso tenista Althea Gibson pa hunga dos partido di exhibicion awe dia 24 di augustus na Lago Sport Park.

Cu e hungadora aki hunto cu Karol Fageros a worde contrata ta un hecho pero den e fecha tabata tin un kibo-

cacion. E duo aki lo hunga na Aruba dia 24 di september, e ultimo diasabra di e luna ey.

Un luna mas di pasenshi pues e amantenan di tennis mester tin prome cu por mira gran calidad di tenis.

INTERRUPCION DI CORRIENTE

En conexion cu trabaoan necesario, corriente lo worde interrumpi diahuebes 25 di augustus 1960 di 7'or te 12'or di merdia den vecindario di:

Politiewacht Sta. Cruz - Piedra Plat Zuid - Sta. Cruz Noord - Cashero - Siribana.

N.V. ELECTRICITEIT-MAATSCHAPPIJ "ARUBA"



AVON
Sheer Mist

FACE POWDER
Light, matt and finely textured, wear it confidently, knowing that the colour stays unchanged all day.



World's largest cosmetic manufacturers
BETTER SHOPS SELL AVON—THE FINEST COSMETICS

Agente:
BAARDSE TRADING CO. (Aruba) N.V.
TEL. 1617 - 2077

Cecil B. deMille's
PRODUCTION

The Ten Commandments

starring

CHARLTON HESTON · YUL BRYNNER · ANNE BAXTER · EDWARD G. ROBINSON · YVONNE DE CARLO · DEBRA PAGET · JOHN DEREK

SIR CEDRIC HARDWICKE · NINA FOCH · MARTHA SCOTT · JUDITH ANDERSON · VINCENT PRICE

Written for the screen by AENEAS MACKENZIE · JESSE L. LASKY, JR. · JACK GARISS · FREDRIC M. FRANK
Based upon the HOLY SCRIPTURES and other ancient and modern writings · Produced by Motion Picture Associates, Inc.

A Paramount Picture · TECHNICOLOR · VISTAVISION

There'll be two intermissions to visit the Restaurant Trocadero
FI. 3.00 ALL AGES ADMITTED FI. 2.00

UN BRUID COMO OFERTA

pa TUYUCHI

No. 70

Oro cu el a chaa di papia el a mi-
ra cu Justin tabata sonrei.
"Bini aqui, Theresa", el a bisa sin
cambia di posicion.
Su stem tabata sonoro y no abstan-
te comandativo y carismatico pareu.
Casi e por a obedecede instintiva-
mente despues el a cambia.
"No?" Justin a puntra, mientras el
a bisa su workbrauwan. "Y ainda
tin dos ora cu h'a hura obediencia."
"Quico bo ta desea anlo di mi?"
"Bini aqui y lo mi bisa bo".

E no tabata risca y su mami taba-
ta garra convulsivamente.
"Theresa", Justin a bisa. "Mi a pidi
bo bini aqui".
Masha poco poco el a cuminsa ta
moue. Su curazon tabata palpitando
mira e ardor den e wowonan gris di e
lord. Ora cu e tabata a punto di tira
su mes foradito den e lord, su
orgullo a bin opore. Brutalmente
el a busca un otro salida.
Banda di e stul cu tabata separa nan
loi otro el a queda para.
Y e dificultad e tabata bisa:
"Mi mester declara bo algu, my-

lord".
"Y ta quico esei ta?"
E lord su stem a bira skerpi.
"B'a yega di puntra mi antes cu
mi tabata stima un hende". Theresa
a bisa: "Mi bisa bo e tempo ei cu
ni no tabata stima ningun hende. Y
mi a papia berdad tambe. Pero den
esei a bini un cambio awor".
"Bo quier trata na haci mi com-
prende cu m'er si bo ta stima un hen-
de". Justin a puntra cu un profundo
incredulidad den su boz.
"Si". Theresa a contesta. "Mi ta
stima un persona".
"Y ta kende ta e persona?" Justin a
celestia di mal humor pero mes ora
el a cambia di tono. "Pordona mi —
mi no tabatin or haci e pregunta ei.
Esei lo por a socede den poco tempo".
"Si, mylord, den poco tempo".
Justin a kita for di caminda e ta-
bata para y a camina bai na e benta-
na. Despues di un rato el a bisa:
"Awor mi ta comprende cu kico
bo no kier bai na Overley".

Theresa a oprimi un soik. Por taba-
tin algo mas delicioso di ta na Overley
huntu cu Justin, si esaki tabata stime?
Pero awor...?
"Y kico bo kier haci awor?" Su
voz tabata resona corto y bruto awor.
"Lo mi kier a bai pack... na
Mandrake". Aya tabatin hopi hende
— aya e por a evita tur contacto cu
e persona, cu e tabata stima.
"Masha boni". Justin a contesta.
"Lo mi laga nan trece e coche dilanti.
Lo mi bini awe nochi. Ta asina bo ta
desea?"
"Si... y danki, mylord". Theresa a
contestar cu boz apaga. E probacion
aki tabata mas grandi di loke el a
pasa.
Justin a draai rond y a camina bin
cu direccion p'e.
"Idiota cu bo ta", el a bisa poco
poco. "Pakico bo no a bisa mi esei
promer?" Su wowonan tabata liru y
e habia cu nan tabata expresa tabata
asina grandi cu Theresa a tal un
gritu y a corre bai.

CAPITULO XVI

"Mi ta pusta cu awe nochi awa-
ce-ro lo cai duro", lord Gillingham a bi-
sa, mientras e tabata para waak riba
taman door di e bentana.
"Ta haci mucho calor pa mi pus-
ta", Isabel a responde.
E tabata sinti den un stul huntu
di e cabina cu tabata banda di e por-
tanan habri. E invernadero tabata ke-
da den e parti di mas bonita di Man-
drake. Nan a construi den tempo cu
reina Anna tabata goberna y arqui-
tecto a traha di tal manera cu na un
lado e bentananan tabata duna bista
riba laman y na otro lado riba e jar-
dinan.
Den entre tabatin un riu grandi cu
teli di awa, y for di e fontein cu ta-
bata situa den dje tabata brota awa
frii.
"E tera tin gran necesidad di awa",
lord Gillingham a bisa.

Isabel a abri un abanico tur pinta
y tabata waya biento eune.
Y manera nervioso el a puntra:
"Boso a por papia nada otro cu n'
ta over di weer?"
E marquesa cu tabata sinti den stul
cu wowonan cerra a lamta sinti net
awor.
"Mi tabata bisa kens di a larga a-
visa cu awe nochi mi no tin recep-
cion", el a bisa, dirigiendo su mes na
lord Gillingham, Nicolas y Isabel.
Sin embargo e palabranan aquri e
marquesa a papia mas pa su mes.
A queda un momentu silencioso y
despues di esei Isabel a bisa puta, co-
mo si fuera cu e no mester a warda
silencio.
"Awor cu b'a tende cu ta solamente
un herido leve Justin a hanja, madam
bo per lada awa bo amigonan esei
te ainda, ceatal cu bo ta sinti hec cu
por ricibi nan manera ta bo custum-
ber".

E marquesa a camina bai na un
bentana anhu abri. E biento leve di
laman tabata bringa cu e slimis fini
bordo mousseline.
"Cu gusto? Lo mi haci esei en rea-
lidad?" el a puntra. "E trupa di per-
sonanan sin sesu cu mi l'asina bobo
di jama mi antiganan?"
A rescna asina tantu amargura den
palabranan dje marquesa cu Isabel a
lamta para y a bai cerca dje.
"Bo ta deprimi, madam", el a bisa
stivamente. "Lo n' ta mas huicioso
pa si bo bai sosega numa? E suces-
don di aiera a haci masha impresio-
n ba ho. Y esei ta cos cu tur hende
mester comprende".
E marquesa a dal man na su frente.
"Si, si, mi ta tur braba y sobrelas-
ta", el a bisa. "Lo mi bai den mi cuar-
to. Y aya... si, solamente aya mi
por ta solitario cu mi pensamentu-
nan."
(E ta sigui)

CISCO KID

2. „Dios proteja nos! Mientras mas nos ta mata nati, mas nos ta bini!“ Si... nati ta manera furia! 3. Dea trein di pasahero tur hende ta bringa... „Nos ta queda sin bala!“



JUAN EL INTREPIDO

1. „Ya nos ta cla... mi ta spera cu e novio na ta rones! Bo ta hin. Kala?“ „Ami ta sigui mi ruta. Juan. Lo mi bolbe pa mi pueblo, pa continua e lucha contra e opresor!“ 2. „Quizas algun dia... no mucho tempo mas... nos por topa atrobe cu otro den Tibet liber!“



DICK TRACY

1. „Spots, paquico bo quier sa mi pasa pa su tanta... y si su verdadera tanta... mister aparece?“ 2. „Ogden, e tin! Nos mister busca su tanta verdadera promesa!“ 3. „Mi tin poco cel di mi verdader den mi ebez cu ultimamente casi tabata morio, pero di repente, nati cumenza traha y un luz a zende.“ 4. „Bo quier meen?“ „Si, mi a cumenza recorda! na un parti na e ciudad aki un viaha mi a jega di mira un enkel tatua!“



RIP KIRBY

1. „Farraday... mi ta corda e member y...“ „Qual member cu e ta carga, pero e tin hopi preuda, srta. La Mere.“ 2. „Mi a mira un collar di masha valor, pero m ino a horbe...“ „Bo a cumpli cu bo palabraz... lo e ta den e revista aki?“ 3. „Mi tabata sa... ate aki...“



EL PRECIO DEL TRIUNFO

1. „Emily no acusa mi cu mi ta usa Mimi como has pa e hoben Chapek! Ta vriedad cu mi ta trata di ganele na Claymore...“ 2. „...y mi ta confesa cu mi a dunale e puesto ey den club, pero Mimi ta un sumita mucha...“ 3. „bueno, e ta bay drenta Claymore e temporada aki... y lo no ta mi culpa si Chapek tin interres den dje...“



EL DIARIO DE UNA VIDA

1. Teniente a conta e caso cu mentalidad di polis, senjora... 2. No ta tur hende cu ta destrui algo ta vandae! Tambe e amante di belleza, ta destrui impulsu pa un forza... 3. ...cu, saliendo di un sentido estetico, ta tira tur e estatuanan mahos aban, pa cambia nan pa un obra artistica... den e pida piedra aki no tin arte!“



PEPITA

1. RIN! „Mi ta bay tumé!“ 2. „Nan quier papia cu e cabez di cas. 3. „MI TA BIN!“ 4. „Mehor bo jama un viaha mas... esaki por tarda un poco...“



Nochi di despedida..

(Continuacio di pag. 1)
sabi com gastelo, sino cu aki ta trata di algo necesario. Gobierno a realiza cu un pueblo antononio mester di su mes dirigentenan. Mester jega e tempo cu nos tin nos propio dokternan, abogado, verpleegsters, etc. Ta pesey un di e obieto nan principal di gobierno ta pa manda nos mes hendenan bai studia pa bini bek y sirbi nan pueblo. Y mas mihor nos studia mas mihor nos tuma e tarea riba nos mes.“

E bursalan ta bai pa studia y no pa haci pret y corre paranda. „E bursalan cu fracas den su estudio ta worde jama bek door di gobierno y e hora ey e majornan tin di paga tur e cea gasta riba su jiu“. Un estudiante anto tin dos cos pa tene cuenta cu ne: Mira pa e sigi su estudio cu exito y respalda e confianza cu gobierno a pone den dje y di dos mira na e decepciona su majornan, door di fracasa.

E Studiecommissie Nederlandse Antillen na Hulanda ta e siguiente punto cu orador a trece adilanti. E organizacion aki ta esun cu lo zora pa e estudiantenan Antillano na Hulanda hania scol, cas y juda nan resolve e problemanan. „Ta pesey“, e orador a b'sa, „si tin un bca relacion entre majornan y e hendenan di Studiecommissie anto esaki lo ta un gran ayudo pa un bon exito di e muchanan“.

„No manda hopi placa“

„No ta bon pa un estudiante tin placa di mas den su saco. Placa di beurs mes hopi biaha ta suficiente, y si manda placa mes anto ta mihor mandele pa e representante di e Studiecommissie y no directamente pa e mucha mes. Hopi placa pa un estudiante ta peligroso.“

„Cumpra panja na Hulanda“

Por ultimo senjor Sprockel a trata riba e asunto di panja. Y aki el a menciona muy en especial e muchamuhernan, cu hopi biaha premer di sali for di Aruba ta compra e shimisnan di mas netchi, pero cu ora nan jega Hulanda ta comproba cu nan no ta bisti e clase di panja ey ayanan.

„E shimis ta bai den kashi, y placa beuta afor“. „Ser alerta cu por presenta dificultadnan, pero mira pa bo ta prepara“, tabata un ultimo coasecho di e Inspector di Enseñanza, promey cu el a desea tur e bursalan e hiahe di lo mas feliz y exito den nan estudio.

Yrausquin:

„Man na obra!“

Senjor Yrausquin, cu su discurso na papiamentu a causa hopi harimentu cu su comparacionnan di Aruba di cuarenta anja pasa, tempu cu e mes

Ocho di diesdos iandbursalen cu ayera mainta 10'or a sali pa Hulanda. Hunta cu nan na robez sr. N. Pina-Lampe, sr. T. Sprockel, Inspector di Enseñanza y na dr. srs. E. O. Petrona, diputado di Enseñanza y sr. A. Poppe, hefe di onderwijs zaken.

a sali pa Hulanda, y e Aruba di actual cu ta prepara e hobennan mihor pa nan biaha na Hulanda. „Despues cu mas seriedad e ta continua su discurso mencinando cu „Ningun hende por logra algu sin traha pe“. E ta anima e muchanan pa haci nan best y comporta nan mes correcto.

Despues di e discursonan aki Padu del Caribe a toca algun pieza, manera custumber cu hopi exito.

Burny Every:

„No muchu jong“

No manda bo junan muchu jong pa studia afo, pasobra despues bo ta hania un estranhero na lugar di bo jiu ora cu nan bolbe. Tabata conseho cu Burny Every ta duna e mayornan.

Senjorita Every anja pasa a regresa di su estidionan na Hulanda y a experimienta personalmente e problemanan cu ta confronta e estudiantenan den estranheria.

Despues di e ultimo discurso aki Trio Los Aventureros a companja senjor Rudolf Quilotte den e wals „Aruba“, promey cu e reunion a keda termina ora cu tur e hendenan presente a canta „Aruba Dushi Tera“.

HOROSCOOP

di awe

11 Maart — 21 April



No exigi di mas di bo salud. Procura bo dieta. Domina bo tension. Busca cooperacion.

TAURISNAN

21 April — 21 Mei



Aparentemente bo ta hanja mas libertad pa dedica bo na destinonan priva. Judat otronan.

GERMINENAN

22 Mei — 21 juni



Tira un bista riba bo asuntoan domestico, afin di evita embrollonan cu otro hendenan.

CANCERNAN

22 Juni — 23 Juli



Tene tur bo relacionnan abri. Por bini noticia interesante di famianan. Goza cerca bo famia a-nochi.

LEONAN

24 Juli — 23 Augustus



Bo por forma choque pa otronan cu loque bo ta bisa di skirbi. Cuidao no ofende hende nunca.

VIRGONAN

24 Augustus — 23 September



Cuidao pa tensionnan nervioso. No kick masha na asuntoan pendiente. Speru bon noticia.

LIBRANAN

24 September — 23 October



Bo interesnan priva, problemanan of trabao cu a stapel riba otro ta merece atencion.

SCORPIONAN

24 October — 22 November



Tene masha cuenta cu tur posibilidadnan den discusion cu personanan cu por perhuica bo carrera.

SAGITARIUSNAN

23 November — 21 December



Por ta necesario na duna heber y responsabilidad preferencia. Por bini bon noticia.

CAPRICORNUSNAN

22 December — 20 Januari



Controla bo huicio y bo opinion bon den asuntoan actual. Mantene bo prestigio y popularidad.

ACUARIUSNAN


21 Januari — 19 Februari



Quizas bo tin di haber cu tensionnan di nervio. Despues e esfera ta bira mas amistoso.

PISCES

20 Februari — 20 Maart



Larga otronan tuma iniciativa den tur loque bo ta haci awe. Mustra bo cooperacion.

Atletanan ta sigui jena Roma

ROMA, 23 aug. — E cantidad di habitante dje pueblo Olimpico ta sigui aumenta. Awe mainta tabatin 4818 atleta estranhero na Italia; 335 di nan tabata na Napoli, na unda e remanent lo tuma lugar. 20 Hulandes y 38 Suiso a jega Roma awe tardi. Cada biaha un pais jega su bandera ta worde halza y awe turai nan lo mester bazu 12 adera mas, entre cual di Suissa, Gre-

Dennis, de schrik van de buurt!



„Durf je zo te zitten als er winterstormen zijn? Dan zou je pas een kerel wezen, paps!“

„Bo ta risca na sinta 'sina mientras orcanan di invierno? Anto e ora ei mi ta hanja cu bo ta wapu, papa!“